

Biblioteca Nacional Aruba:

Luna Cultural cu hopi reto: Aruba den Desaroyo: Reto, Reflexion y Responsabilidad

STA. CRUZ -- Diahuebs anochi 11 di September a tumalugaredidosencuentro publico den cuadro di e Simposio "Aruba den Desaroyo: Reto, Reflexion y Responsabilidad". E simposio ta na ocasion di e Luna Cultural 2008 di Biblioteca Nacional Aruba. Mientras cu durante e prome encuentro sr. Pancho Geerman a elabora riba e aspecto humano/personal cu ta tipifica e Cultura Arubano asina hopi, e di dos anochi a desplega un combinacion di varios orador. Sra. Des Croes di BNA a habri e anochi cu un introduccion, den cual el'a splica cu BNA tin 26 aña caba ta organiza e actividad yama "Luna Cultural" y a duna un bista riba e hopi temanan cu a ser trata durante tur e tempo aki. Tambe Des Croes a duna atencion na Emil Ponson, un hoben di 12 aña cu a toca piano durante entrada di e publico den e sala di BNA y ken ademas lo participa den e proximo Festival di Piano 2008. Despues, MC sr. Roy Mezas a introduci e programa di e anochi

cu tabata tin un enfoke special riba reto, reflexion y responsabilidadnan relaciona cu aspectonan economico di e comunidad di Aruba. Cada orador lo a presenta nan charla "a titre personel", pues a base di nan propio opinion personal. E oradornan invita pa e anochi aki tabata drs. Ben Marapin, drs. Jorge Ridderstaat, y dr. Ryan Peterson. Drs. Ben Marapin: "Retonan Fundamental pa e Economia di Aruba". E promer orador tabata e conocido economista drs. Ben Marapin, cu a presenta locual el'a yama un bista: "Mas simpel posibel" riba e retonan actual cu nos economia ta confronta riba terminonan cortico, medio y largo. Riba termino cortico, el'a amplia riba inflacion, crecimiento economico, y financia publico. Entre e cantidad grandi di aspectonan cu sr. Marapin a trece dilanti durante su charla ta e puntonan cu nos mester custuma di biba cu inflacion, como cu ta hopi dificil pa controla esaki debi na cu nos ta importa tur cos, na e demanda internacional

pa productonan ta crece incontrolablemente, e efectonan di BBO, y na e situacion actual di e.o. economianan global. Tambe e aspectonan di financia publico cu te ainda no ta balanza (un presupuesto balanza ta uno den cual no tin deficit y den cual tin suficiente placa reserva pa inversion y mantencion) y e aspecto di seguro social (entre otro AZV) na Aruba cu no ta forma pa necesidadnan social si no pa motivacionnan mas politico. Gobierno ta actua mas tanto como "project developer" den lugar di desaroya y implementa un vision pa Aruba (Kico bo kier logra: Empleo total? Crecemento di entrada? Desaroyo sostenibel? Reparticion di

entrada husto?) Marapin ademas a toca hisamento di produccion laboral, e rendimiento di enseñanza, e 2% di academico universitario na Aruba di cual mitar ta di exterior y e maneho necesario pa drecha daño na medio ambiente cu construccion

y turismo ta trece cu nan. Conclusion general tabata cu e situacion economico ta serio (entre e "hopi malo" di oposicion y e "no asina malo" di gobierno), cu esaki ta algo global y cu nos mester logra parti e efectonan negativo mas hustamente posibel.



Director di Directie Wetgeving en Juridische Zaken ta informa pueblo di Aruba cu diahuebs 18 di September 2008 nan lo no tin comunicacion telefonico debi na trabaonan necesario na nan liñanan di telefon.

E trabaonan ta cuminsa pa 7'or di mainta y ta termina pa 5'or di atardi.

Nos ta yama un y tur danki p'e comprension.

Servicio Informativo di Gobierno
16 di September 2008



Abona na Solo di Pueblo awe!

1. Yama telefonicamente na 5859500 y abona
2. Manda un fax na 585-0951 - Number y adres
3. Manda un e-mail na: solodipueblo@gmail.com cu number y adres
4. Pasa personalmente na Sta. Cruz 110

Aplicacion:

Number y faam : _____
Adres : _____
Telefon : _____
Remarque special: _____

Abono di Solo di Pueblo ta Afl. 35.00 pa luna y e siguiente descuento ta aplicabel:

☐ Paga Cash 1 aña adelanta Afl. 385.00 (Afl. 32.00 pa luna)

Abonadonan por haci pago via un standing order via banco:
Solo di Pueblo - CMB - Account: 25306501

Danki pa e sosten - Solo di Pueblo - 3 aña briyando fuerte treciendo claridad